



## Publicaziuns officialas dils 30-07-2021

---

### Damondas da baghegiar

Nr. 107/2021

Datum da publicaziun: 30-07-2021  
Patrun: Beeler Müller Lisabeth e Müller Bernhard, 9230 Flawil  
Representant: Biro d'architectura Amplatz, 9000 Sogn Gagl  
Liug e parcelas: Sumvitg-Via Cumpadials; 1847  
Object: nova pegna e niev tgamin, novas finiastras e niev esch

Nr. 109/2021

Datum da publicaziun: 30-07-2021  
Patrun: Kalberer Jennifer e Butt Sarah, 8610 Uster  
Representant: Biro d'architectura Hinder Kalberer, 8400 Winterthur  
Liug e parcelas: Surrein-Via Plazzas; 749  
Object: nova finiastra e migeivla sanaziun interna

Nr. 112/2021

Datum da publicaziun: 30-07-2021  
Patrun: Decurtins Hubert, 7175 Sumvitg  
Liug e parcelas: Sumvitg-Quadras Sut; 4142  
Object: engrondir ils tschalers e construcziun d'ina nova garascha

Sumvitg, 30-07-2021

*Cumissiuin da baghegiar*

### Scamond d'encurir bulius

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.
- Nus supplichein da respectar quellas disposiziuns ed engraziein per Vossa capientscha.

Sumvitg, 30-07-2021

*Suprastonza communal*

### Retscherca davart ina fusiun cun la vischnaunca Trun

Las suprastonzas communalas da Trun e Sumvitg cun lur canzlists han luvrau ora en diversas gruppas da lavur in preproject per la fusiun denter las vischnauncas Trun e Sumvitg. Tuttas votantas e tuts votants han retschert in messadi d'informaziun ed in catalog da damondas. Ei setracta d'ina retscherca per entelgir il meini da convischinas e convischins tier entgins puncts centrals. La suprastonza communal supplichescha tut las votantas ed ils votants da prender part alla retscherca. Nus engraziein per Vossa collaboraziun.

Sumvitg, 30-07-2021

*Suprastonza communal*

### **Maletg directiv communal dil territori**

El decuors dils davos dus onns ha la suprastonza communal elaborau il maletg directiv communal dil territori. Sin fundament dallas propositas inoltradas durant l'exposiziun publica che ha giu liug naven dils 7 da fevrer entochen ils 9 da mars 2020 e sin fundament dalla posiziun digl uffeci cantunal ei il maletg directiv communal dil territori vegnius surluvraus ed approbaus ils 14 da zercladur 2021 dalla suprastonza communal. Naven dils 30 da fenadur 2021 sa durant 30 dis vegnir priu investa dil maletg directiv communal dil territori sin la pagina d'internet [www.sumvitg.ch](http://www.sumvitg.ch) ni durant las uras da spurtegl sin canzlia communal.

Nus supplichein per enconuschientscha. Per damondas stat l'administraziun communal a Vossa disposiziun.

Sumvitg, 30-07-2021

*Suprastonza communal*

### **Sanaziun lingia d'aua a Clavadi-Tuor**

Ils 16 d'uost 2021 entscheivan las lavurs da sanaziun dalla lingia d'aua a Clavadi-Tuor. Durant il temps da baghegiar resta la via parzialmein serrada per tut il traffic. Plinavon sto vegnir quintau cun impediments cura che la via ei aviarta.

Nus supplichein per Vossa capientscha. Per damondas stat il biro d'inschignier Deplazes (tel. 081 943 25 60) a disposiziun.

Sumvitg, 30-07-2021

*Departament provediment d'aua*

### **Uffeci civil Surselva**

#### **Mortori**

**Maissen Marianne**, naschida ils 04-02-1930, morta ils 22-07-2021, stada sesenta en Casa S. Giusep a Cumpadials.

Sumvitg, 30-07-2021

*Controlla da habitonts*

### **Pleiv Sumvitg**

**Preavis: Dumengia, ils 29 d'uost**, s. Messa per l'en tira pleiv a Plaun Petschen sut il motto «generaziuns s'entaupan»